

دائرة مخصوصه

درسعادته باب عالی جوارنده

محل اداره :

مشرط القلم

۱۳۲۶

اخطار :

مسلكمزه موافق آثار جديده مع المنوئيه
قبول اولنور

درج ابدلته بن آثار اعاده اولنور

دیر، فلسفه، علوم، حقوق، ادبیات و سیاسیات و بالخاصه کرم سیاسی و کرم اجتماعی و مدنی احوال و مشورہ اسلامیه و بحث ابدل و هفته ده بر نشر از انور.

آبونه بدلی

سنه لکی التي آیلنی

ممالک عثمانیه ایچون	۶۵	۳۵	غروش
روسیه	۶۵	۳۰۵	روبله
سائر ممالک اجنبیه	۱۷	۹	فرالقی

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادته نسخه سی ۵۰ پاره در

قیرله دن مقوا بورو ایله کوندریلیر سه سنوی

۲۰ غروش فضله آلنیر

عدد : ۱۰۰

۲۸ رجب لفرد ۳۲۸ پنجمبه ۲۲ تموز ۳۲۶

دردنجی جلد

عظیمه بی حاوی اولان امیلت و یتیمک کبی اولنلرک حقننده فضائل و کلاتدن معدود اوله بیلیر .



دوزی و همپالرینک رسول اکرم افندمنر حضرتلرنده وقوعی مروی اولان رعی غنم کیفیتنی ده حقیقتی اوزره اکلایق ایسته مدکارینی درمیان ایتشیدک . بوندن مقصد یالکیز لدنیات حکمیه سنی آکلایقش اولدقلرینی افاده دکلدر . چونکه اولنلر بونکله قالماملردر، اوتانمندن بو فعله مقابل خلقدن اجرت آلمق تنزانی ده علاوه ایتملردر . حتی بو افتزایی ترویج ایچون دوزی جنابلری « مکهلیرک کچیلرینی وقویونلرینی محافظه ایدیوردی چوبانلقدن الدینی معاش پک جزئی ایدی » دیه ایشک ایچه قوجه مان یالانلرده قاتمشلدر . حالبوکه رسول اکرم افندیمنر اون درت ایله اون بش یاش آره سنده بولندقلری هنکامده محضا کندی آرزوی وجدانیلریله قرباسندن بعض کیمسه لک قویونلری رعی اولدینی محله بر مدت بولنملر . راعیلره معاونت بیورمشلردی . بوکا مقابل کیمسه دن اجرت الدینی اویدورمه بر افسانه در .

نصل که (کنت ارعاها لاهلی بالقراریط) حدیث شریفنده بو حقیقت مصرحدر .

[بو « قراریط » تعبیری توهم اولدینی کبی قیراطک جمعی دکل بلکه روایت اخراده مذکور اولان (اجیاد) نام محل معروفک عنوان دیکریدر . بونی ده ابو اسحق حربی و علامه ذوفنون ابن الجوزی و امام ابن ناصر کبی اجله عاملا تصریح ایتملردر .

درهم و دینارک جزء معینی (نصف دانق) معنانه (قیراط) ک او صروده عربلرجه معروف اولماسی ده بو افاده بی تأیید ایتمکده در [بالفرض والتقدیر اجرت آلمش اولسه لرده حضرت موسایک جناب شعبیلله اولان معامله سنده اولدینی کبی بر محذور عقلی و یا شرعی استلزام ایتیه جکی لدی الخواص امر آشکاردر .

انبیای عظام امتلرینی تشبث شخصی به ارشاد ایچون قبل النبوه بویله بر طاقم امور مشروحه ده بولنه بیلیرلر .

فقط دشمنلر سویله جک باشقه سوز ، اسناد ایده جک بر تهمت بوله مانجه اولنلری ده آحاد ناسه قیاسه یلته نیرلر . یا خود ده بویوک افتزالره جرئه تله هلاک اولوب کیدرلر .

مناسرتلی اسماعیل حق



معراج شریف مناسبتیلله

آینه جمال حق صلی اه علیه وسلم افندیمنر حضرتلرینک معراج حقیقت منهاجی هجرت سنیه لرندن برسنه مقدم شهر جیک یکریمی یدنجی کیجه سی وقوع بولمشدی . یعنی اوراز دان لیلئه اسری ، تنها نشین وحدتخانه خدا اولمشدی . بویله مبارکه بازار ایرتسی کیجه سینه مصادفدی .

شرفوقوعنده زمانزه قدر کچن مدت بیک اوچیوز یکریمی طقوزسنه اولمش اولبور .

ازان هرسنه بوشب مسعودی ادراک ایدنجه درجه علویتندن طولانی خاطرات لطیفه یله نشئه مند اولور . هله اونور مشخص رسالتک بر جلوئه لطیفه غیبیه یله عزم آسمان ایلسنده کی حکمت وحلاوت روحانیه بی دوشوندیکی زمان مستغرق وجد واستغراق اولور .

جله غایات سبحانیه دن اولمق اوزره فروغ معرفت ؛ قلوب امت محمدیه بی جلوه زاره دوندرمکده نیرات زاهره سمواته فائق برشمعه روحانی کوستر .

حضرت عبدالقادرک سراج الوهاجندن ترجمه براندره یازیلیرکه : اوکیجه شیخ حرم لاهوت حضرت جبریل ؛ محبوب ادیب الهی صلی اه علیه وسلم افندمنر حضرتلرینه اولان شدت اشتیاقندن هائم و حیران اولدینی حالده سرای امهانی به کلدی [۱]

وجود نازنین رسول الهی فراش استراحت ایچنه سرلمش و دیده قلبی اویانق اولدینی حالده ، کوزلرینی اویقویه طالمش بولدی . یتاغنک آفاق اوجنده طوروب عرض سلام واحترام ایلدکدن صکره « ای بخت بیداد عالم و عالمیان ، دالدیغک خواب نوشیندن اویان که غنائم فیوضات الهیه ؛ سنک ایچون حاضر لاندی . امر نافذ مطلقه سنک ایچون سرپرده عظمه سرائی قرب و وصال آچلدی . ای یتیم ابر طالب ؛ مواهب و مطالب سعادت ، طالبک اولان فیاض ازل حضرتلری طرفندن سنک ایچون ادخار اولندی » دیه عرض مرام ایلدی . سیدالکونین افندمنر حضرتلری (یاجبریل الی این) خطابیلله نرینه کیدیلجه جکینی سوال بیورنجه ؛ روح الامین (یا محمد ارفع الاین من الین) مقدمه سیله عرض اطلاعات رسالتپناهی ایتدیکی جواب مدلولنجه (یابی ذیشان اره دن ستره بی قالدر ، شمدی بن این وجهت بیلیم یورم ، زیرا معلوم شریفکدرکه ربک تعالی و تقدس زمان و مکاندن منز و مقدسدر ؛ بن رسول دیوان قدم اولدیغ حالده - سنک خدمتکارلرکدن اولمق ایچون حضوریکه کوندردلدم ؛ یا محمد اراده ازلله الهیه نک غایه شهودی و مقام سعادت عظمه ایچون مشیت ربانیه نک مقصودی سنسین ؛ هرشی سنک ایچوندر ؛ سن انجق ذات الهیسی ایچونسین کائناتک نمز و مختاری و بیاله محبتک نشوه سرشارسین ؛ شجره کوندن مقصود اولان ثمره شمع وجوه ره مظهره سنسین ، سن بدر لطائفین ، شمس معارفین ، یوم قیامتده ملجاء هر خائفین ، حکمتخانه عالم سنک ایچون بسط و اصلاح اولوندی .

[۱] امهانی حضرت علی کرم اه وجه ورضی اه عنه افندمنرک همشیره پاکیزه سیدر . سرای امهاتینک الآن موقعی زیارتکاهددر . مکمه مکرمه ده الیوم دائره حکومتک قارشوسنده رأس مناره تعبیر اولنان اوج شرفه لی مناره نک دبینه در . الحاله هذه تعظیماً زیارت اولنقده درکه بومناره محل مقدسه علم اوله رق انشا اولنمشدر . تفصیلی مراث الحرمینده وازدر . امام بخاری حضرتلرینک قتاده و انس ابن مالک رضی اه عنهما حضرتلندن روایت ایلدیکی بر حدیث شریف مضمونه کوره فخرعام صلی اه علیه وسلم افندمنر حضرتلرینک اوکیجه کعبه معظمه ده حطیم دنیلان موضعه بولندقلری صروده معراج کزین شرف واقع اولمشدی . بوبابده کی تخالف روایاتی ابن حجر حضرتلری پک کوزل بر صورتده تألیف ایتمشدر .

تماشا ایلدک نور جمال الهی آمنا
مقامات کلاک افخمیسین یار رسولاه

حسین و صاف

اسلامیتک ظهور و ترقیسی

مبات حضرت محمد

مترجمی

ماردینی زاده عارف

مؤلفی

در قنور اینستاسی

مابعد

بت پرستلرجه بیراملرنده معبدلرده برضیافت ویرمک عادت اولدینی
کی بوقاعده الحاله هذیه اوصورتله جاریدر. بت پرستلکه دخول صره سنده
تلقین ایدیلان اسماء سریه دخی الیوم کلیسالدده (سکرمان) آیینده استعمال
اولان اسمادر. نته کیم (میسول) (تلیتی)، (منیستر) کی اسمی هرایکی
طرح، مستعملدر. برده تعالیم ابتدائیه ده متخذ اولان اصول وقواعد
(کافی شمین) دن (قومینانت) (واندن)، (فیدیل) کی درجات و اوصاف
کنیسانیه ده کی احوال و شرائط عینیه موجوددر. و بو اوصاف و القابی
احراز ایچون بت پرستلکه مستعمل و مشروط اولان تهیات ابتدائیه
تمامیه خرسیتیانلغده جاری و مشروطدر. انجق اشبو تعالیم و تلقینات
هرماکتده بر اولمادینی کی نصرانیتده جاری اولان (سکرمان) اصولی
دخی هرماکتده بر دکل ایدی. بت پرستلکه بو کی اصول وقواعد
مذهبییه زیاده سیله دقت و اعتنا ایدیلان مالکده خرسیتیانلغده دخی اونستبدده
دقت و اعتنا کوسرلیدی کی مسابحه کارانه حرکت اولان محللرده دخی
اوتساح جاری ایدی مثلاً: (هیایا) (هروزوخی) نامیه بت پرستلکه
ویریلان ضیافتلر خرسیتیانلرک (سکرمان) ضیافتلرینک عینی در. کذلک
بعض مالکده صرف رخله منحصر (سیسیپیا) نامیه ضیافتلر اعطاسی
جاری اولدینی کی. یونانستان ایله اسکندریه ده دخی بوعادت جاری ایدی.
بو کی ضیافتلر دائما حریفانه اجرا اولنور و هر کس مصرفدن حصه سنه
اصابت ایدن مقداری ویرر ایدی. و بو بایده ویریلان پارهیه (سینولا)
اطلاق اولنور. داخل اوله جق آدمیلر ایچونده ارالرنده بر پاروله
موجود بولنور و بو کی جمعیتلره (اسپریا) و (جیقونیا) نامی
ویریلور ایدی.

بو ضیافتلر بایلدقن صکره ارتان پاره فقر اجمعیتلرینه ویریلدیکندن
بو کی ضیافتلر هر آی حکومتک مساعده سیله اجرا اولنور ایدی.
بو؛ خرسیتیانلغده (آغای) و محبت نامیه ویریلکده اولان ضیافتلر
ایله مقایسه ایدیلور سه بت پرستلرجه مستعمل اولان (کراخوم)
(زیتوس)، (کینونیا)، (توصوماشی) (تجینا)، ضیافتلرینه عینیه
مشابه اولدینی کوریلور. حواریوندن (بولص) قورنت اهالیسنه یازدینی
نامه ده بوعادتی مدح ایتمکه برابر هر کس کتوردیکی منفرداً ییمکده
اولمیه فقرالرک آج قالدقلرینه حدت ایدیور. و هر کس خانه سندن
کتوردیکی یمکی منفرداً ییه جکسه کلیسایه حاجت اولوبو خانه سنده

کاسه محبت؛ مجرد قرب فیضا فیضک ایچون تصفیه قیلندی، جمیع
اکوان سنک ایچون یارادلدی، حرمانه ملکوت مجرد شرفیاب و صالک
اولمق ایچون اغیاردن محافظه ایدلدی.

قالق؛ ای حبیب کبریا قالق که نعم جلیله الهیه سفره لری سنک
ایچون قورولمش طور ییور، رحمت نشینان عالم بالا سنی بکلیور. انلرک
جمله سی شرف روحانیتکه نصل مشرف ایسه شرف جسمانیتکندن ده
بویله شرف و سمادت بولمق استیور؛ یر یوزی مبارک ایامکله اوستنه
باصدیفکدن طولانی نصل شرف و سمادت بولدیسه قبه سما دخی اویله جه
مشرف و منور اولمق ایچون جان آتیور... تشویقات تعظیم کارانه سنده
بولوندی.

بونک اوزرینه سلطان سریر لی معاه علیه صلوات الاله افندمر
حضرتلری حکمة (اجبریل الحیب یدعونی مالذی یفعل بی) استجواب
حقیقت جو یانه سیله (ای روح الامین بی ربم تعالی و تقدس نه ایچون
دعوت بیوریور؟) مألله لبکشای سوال اولدی.

حضرت جبریل علیه السلام دخی (لیغفرلک اه ماتقدم من ذنبک
وما تأخر) تبشیریه مقابله بیوردی. [۱]

جناب رسالتناه اعظم صلی اه علیه وسلم افندمر حضرت جبریلک
سوزینه جواباً (یا جبریل الآن طاب قلبی ها انا ذاهب الی ربی) یعنی
(ای بیک جلیل حضرت رب شمدی کوکم مسرور و مطیب اولدی،
ایشته زمان و مکادن منزله اولان ربم جل و علی حضرتلرینه کیدیورم.)
مضمونیه اجابت نمای دعوت حق اولدی.

سیران بدایع بیرا ارمه سنده سروش اعظم جبریل امین شو مضمون
ایله عرض حضور کبریا ایتدی که «یاسیدالاولین والاخرین مژدرلر
اولسونکه شرف قدومک ایچون ابواب نعیم کشاد ایدیلوب روضه صفا
و جن صفة لطافت بخشالرینک نصارت و رونق کمال بولدی؛ و او بزم
فیضا فیض نیمک پیاله نشوه افزا و ریحق حیات بخشاسی شفاف
و مصفا اولدی. جمال پرده لری اچلدی، هر طرفه نورلر صاحلدی،
بو کیجه سنک کیجه کدر، بودولت سنک دولته کدر دیره رک دها بر چوق
معروضات حقیقت ایاتده بولوندی.»

خلاصه کلام لایم اسرار ساحه نمای ظهور اولدی که بولنردن
مقصود ربانی او محبوب کزین الهینک ایات بیناتی کورمسی و مظهر
تجلیات سبحانی اولمسی ایدی. اویله اولدی. بو احوالک صحتیه تأثیر عشق
محمدی ایله در حال ایمان ایدنلر نائل نعمت ایمان و مظهر التفات سبحان
اولدی؛ عشق محمدیدن محروم زمره معاندین ایسه دریای انکار
و ضلالتده بوغولدی قالدی.

شبستان وفانک محرمیسین یار رسولاه

عروس کنت کنزک همدیسین یار رسولاه

[۱] حضرت جبریلک بوایت کریمه بی اوقومسندده کی حکمتی علمای
اسلامیه اوزون اوزادی شرح و تفصیل ایشلردر. خصوصیه جناب شیخ الاکبر
قدس سره الاظهر فتوحات مکیه نک جلد ثانیسنده حکیم ترمذینک یوز الی
بشنجی سؤالنه جواب اولمق اوزره بوبایده بک چوق حقیقتلر یازمشلردر.